

ত্রিপুরা সরকার
তথ্য ও সংস্কৃতি অধিকার

স-৫১১৯

পানিসাগর, ৭ মার্চ, ২০২৪

রোয়া প্রাথমিক গ্রামীণ কৃষি বাজারের উদ্বোধন

কৃষকরা হচ্ছেন আমাদের দেশের অন্নদাতা : কৃষিমন্ত্রী

কৃষকরা হচ্ছেন আমাদের দেশের অন্নদাতা। কৃষকদের সার্বিক বিকাশে ও তাদের আর্থিক ভাবে স্বনির্ভর করে তুলতে প্রয়াস নিয়েছে রাজ্য সরকার। কেন্দ্রীয় এবং রাজ্য সরকার কৃষকদের আয় দ্বিগুণ করার লক্ষ্যে বিভিন্ন পদক্ষেপ গ্রহণ করেছে। আজ পানিসাগর মহকুমার অন্তর্গত রোয়া প্রাথমিক গ্রামীণ কৃষি বাজারের উদ্বোধন করে একথা বলেন কৃষি ও কৃষক কল্যাণ মন্ত্রী রতনলাল নাথ। তিনি বলেন, বর্তমানে রাজ্যে কৃষি মার্কেট রয়েছে ৫৫৪টি। এর মধ্যে প্রাথমিক হোল সেল মার্কেট রয়েছে ৮৪টি। গ্রামীণ বাজার আছে ৪৭০টি। গত সাড়ে পাঁচ বছরে বিভিন্ন বাজার তৈরী ও উন্নয়ন করতে সরকার প্রায় ১৬৭ কোটি টাকা ব্যয় করেছে। কৃষি উৎপাদনের ক্ষেত্রে দেশের মধ্যে ত্রিপুরা পঞ্চম স্থানে রয়েছে। কৃষি ক্ষেত্রে আরও বেশি উৎপাদন বাড়ানোর জন্য কৃষকদের আধুনিক মানের কৃষি যন্ত্রপাতি দেওয়া হচ্ছে। রাজ্যে বিভিন্ন মহকুমাতে কৃষি তত্ত্বাবধায়ক এর কার্যালয়ের সংখ্যা বাড়িয়ে ৪৭টি করা হয়েছে। তাছাড়া কৃষি ক্ষেত্রের উন্নয়নের জন্য রাজ্য সরকারের বাজেট বাড়িয়ে ৪৮২ কোটি করা হয়েছে।

অনুষ্ঠানে উপস্থিত ছিলেন বিধায়ক বিনয়ভূষণ দাস, পানিসাগর পঞ্চায়েত সমিতির ভাইস চেয়ারম্যান লক্ষ্মীকান্ত দাস, কৃষি ও কৃষক কল্যাণ দপ্তরের অধিকর্তা শরদিন্দু দাস, উদ্যান ও ভূমি সংরক্ষণ দপ্তরের অধিকর্তা ড. ফনীভূষণ জমাতিয়া প্রমুখ। বাজারটি নির্মাণ করতে ব্যয় হয়েছে ৬০ লক্ষ ২৮ হাজার ৫০০ টাকা। উল্লেখ্য, আজ কৃষি ও কৃষক কল্যাণ দপ্তরের মন্ত্রী রতনলাল নাথ পানিসাগর মহকুমার দেওছড়াতে নবনির্মিত মাশরুম স্পন উৎপাদন কেন্দ্রেরও উদ্বোধন করেন। এই কেন্দ্রটি নির্মাণে ৪৬ লক্ষ ৬১ হাজার টাকা ব্যয় হয়েছে। তাছাড়া কৃষিমন্ত্রী পানিসাগর মডার্ন এগ্রি প্রডিউস বাজারের শিলান্যাস করেন। এই বাজারটি নির্মাণে ৬ কোটি ২০ লক্ষ ৭৩ হাজার টাকা ব্যয় হবে।
